

名媛詩話

名媛詩歸卷七

錢塘沈善寶湘佩著

受業德清俞樾秀棧字

高密史太夫人爲安邱李金臺訓導于京先生室諸
生湘荃監生湘芝雲舫漕帥湘葵母爲實義母博學

強記性復慷慨慈祥年近六旬神明不衰議論天下
事瞭如指掌恤親族拯貧乏見善如弗及婦居數十
載惟以誦經課子爲事令子雲舫漕帥具文武才道
光壬辰進士入詞館改部擢員外從戎東粵臨行太
夫人訓以盡力王事勿以我爲念聞者賢之太夫人

素日治家整肅漕帥得無內顧憂夷務平漕帥以守
城功擢知府入覲洊升太常寺少卿時夷犯長江
奉命守禦江北會夷就撫署漕近總督太夫人於
是春已率眷歸里間署漕督之信寄書與寶云蔡兒
以太常奉使南河已屬意想不到今又升署漕督

天恩高厚報稱維艱欣喜之餘又生恐懼所以子姪
輩聞信躍躍而余心獨轉輾往來他人不能知吾女
想能默喻耳卽此可見太夫人高懷卓識非流輩所
及也於戊子歲始識太夫人於袁江太夫人撫之爲

女後聞先母棄養復召至京寓相依爲舉配遣嫁恩
禮備至逾於所生于歸後常遣婢僕促之歸省蓋數
日不相見卽思之不能釋太夫人詩學深得六朝神
韻感時叙事皆從性靈中來無一毫柔靡之音惜稿
存甚少別後見懷寄示四章云秋月照庭階秋風入
我懷懷中有明珠遠在天之涯天涯一何遠白日一
何短念此掌中擎中夜腸九轉我昔在袁江爾適來
錢塘一見寄膝下事我以高堂高堂爾有母爾能承
顧復覩爾境艱難使我心掣觸別後赴京華寓居苦

岑寂忽聞吾女來喜氣動顏色爲爾洗征衫爲爾理
嫁衣吾盡吾責耳爾何感泣爲人生有聚散骨肉無
久歡春明逾五載愴然返故山故山不可見寸心託
鴻雁願言釋離憂努力加餐飯四詩文情兼至令人
不能竟讀寸草春暉益深孺慕太夫人又示寄雲舫
詩一章云欲織苦無棉欲耕苦無田我家本寒素惟
望爾能賢猶記爾幼時爾父守青瑣遠自館中歸爾
將母衣牽告我父已來歡笑承膝前忽忽成昨夢回
首四十年爾今得成立叱馭揚長鞭東粵稱翼長西

楚統兵權莫負 九重命勿忘四牡篇作忠惟移孝
我心無憾然年雖近八旬孱體幸安全食少學辟穀
坐久愛逃禪婦能代子職奉養在意先寄爾語諄諄
知我心綿綿爾其無念我報國宜勉旃

雲間丁步珊

佩

與余神交七載方得一晤而七載之

中音問不絕此唱彼和不管聚談一室著有繡譜行
世尺牘最佳猶憶初次寄余一函題爲梅訊內云佩
耳芳名久矣月下暗香水中疎影第彷彿遇之耳昨
寄呈便面草草塗抹殊覺赧顏迺承寵賁瑤華情詞

斐亶古香新色沁人心脾班史伏經不能獨擅千古
始信姑射仙人果爾秀絕人世也惟是匆匆放櫂一
面緣慳林下清風山中幽抱未獲詳悉一二南枝消
息尙少端倪回首孤山益增惆悵差喜得通芳訊如
挹清芬便覺此行不負而扁舟風雪驛使稀逢轉增
一段相思滋味矣承囑繪事倚裝點筆聊贈一枝寄
供妝臺一笑大作芬芳悱惻實足弁晁閨英全集如
有副本尙乞寄賜一觀當於雪後園林紙窓竹屋焚
香細讀快何如之月落參橫時聞翠羽安得如槐迴

聚首相守弗離欲結歲寒之盟尙未識此生修到否
也又有立春新霽接余手書七律云怪底簷前鵲語
諱一天晴雪拜瑤華書來宜附凌雲鶴歲晚渾如赴
壑蛇笑我癡情憐夜月多君佳句燦朝霞宵來恰喜
春風到開徧庭前姊妹花步珊爲蘭溪陳兩橋吏部
毓桐室兩橋赴試春官步珊寄詩有陌上不知楊柳
綠樓頭惟盼杏花紅之句爲人傳誦惜兩橋成進士
一年病歿京寓嗣續無人步珊撫三女藉女紅以度
境遇困厄殊可慨焉

山陰潘虛白太夫人素心爲吾鄉汪兩園宮詹潤之

德配勿待親官江右十二齡卽工吟詠近已八旬容
貌如五十許者日手一編好學之心老而彌篤往來
書札題詠必親筆揮灑令子五人四登賢書一入詞
館乙酉同捷京兆者三人海內豔稱太夫人精神福
澤德行文章可冠今古著有不櫛吟及續刻又續等
集行世已久余未入都之前太夫人見余秋懷詩十
五章深爲激賞訪問殷勤迨余北至晉謁卽蒙刮目
獎許過當嗣後一詩脫稿隨錄示之璞玉渾金絕無

雕琢未刻之稿甚夥如辛丑初冬病愈感時示兒輩

八章云故里傳風鶴

原注時夷逆據甯波

松楸恐未安夢廻千

里外鐘響五更殘詩厄魔難伏愁深粥未餐爾曹知

喜懼莫作等閒看病裏驚時序聊將拄杖扶牋紅難

辨字髮白不勝梳生死天隨付榮華夢久誣頻年高

誼在寒重有元狐

原注余年來藥餌之需皆係陳叙齋觀察功所贈今又製狐裘見餽

陳乃先宮詹

蓬室居尤苦風高汴水寒養親供薄饌

所取之士

求祿歎微官路迴音書慢民饑撫字難 聖朝恩澤

沛轉瞬慶安瀾

原注時黃河水決四兒鶴珊調赴河工

五葉靈芝草相

求惠未成時危屏藥餌門閉減逢迎黃紙求賢詔

紅旗禦海兵妖氛驕悍甚何必覓長生羣衣曾惜別

十載送征鞍哀樂因時感音書欲寄難

原注送大女隨壻之官已

十載手遲因筆鈍眼倦怯燈殘耿耿窗將曙烏飛噪樹

端薄宦嗟同榜全家往郭東驚戈防逃砲徹祿好從

戎歸去因親老乘時待奏功一鞭徒惜別涕淚惜匆

匆原注童肖軒甥與五兒楓人辛卯同榜母老南旋投効海疆楓人時補北城指揮

悔却詩

畫棄隨班此備員馬疲卅里路裘敝五更天案有爭

民牘囊無糴米錢羨他同學者衣惹御爐煙客子歸

來日巢空燕去時勞形身似葉憂感命如絲八秩魂
猶返三生夢醒遲憐他嬌小女葆藥善扶持春日雪
霽偶成云社鼓銜頭響亭臯雪尙寒目昏怕字小夜
永惜更殘肺病愁攻急身衰藥力難宵來猶拄杖明
月隔簾看穀雨催花信清光吐素蟾但聞鶯出谷未
見燕窺簾世路風波險城頭鼓角嚴文章原有命莫
向此時占原注兒輩
出閨候榜卽事感成寄張孟縉及余云誰
論天邊見畫星原注時聞
太白畫現半窗風雨不堪聽笛聲莫
更吹楊柳難覓枝頭一葉青人隔蓬萊遠近中峭寒

勒佳牡丹風樓頭聽雨江南憶閨閣輸他詞翰工因
余杏花近作有畫樓聽雨憶江南句太夫人晚年自
號殘夢老人詩境日進少陵云老去漸於詩律細信
然矣次女恂如恂亦工詩題余鴻雪樓詩稿云蓼莪
讀罷暗傷神窳窳能安效古人廿載辛勤承子職此
生不愧女兒身恂如一號瑟友州判陸憲曾室太夫
人嘗言妹正心能詩少年苦節和歸甯韻云故里魚
軒黃鳴鉦負弩時人皆稱大位我獨重新詩老手無
凡艷終身有孝思臨岐猶戀戀夜半上舡遲

湘潭郭笙愉

潤玉

字昭華一號壺山女士知縣雲麓

先生女李石梧中丞

星沅

室梅生太史

杭

母有簪花

閣詩草梧笙館聯吟笙愉爲人溫柔敦厚藹然可親

生平嗜詩若命梧笙館聯吟者卽伉儷倡和之什琴

瑟之篤可繼秦徐手刊湘潭郭氏三代閨秀詩集以

誌家學女李月裳楣長婦郭智珠

秉慧

皆工吟詠戊

戌春暮笙愉自粵入都把晤於李太夫人處小詩贈

答一往情深秋間石梧中丞爲汴梁觀察接眷赴署

余往送別補詩以贈云神交纔得挹丰標倡和新詩

慰寂寥花落金臺聯繡袂雲移良嶽迓星輶

中丞由漢中府

轉汴梁糧

諸觀察

萬山紅樹詩情醒九曲黃河別夢遙一曲

驪歌一杯酒客中送客最魂銷笙愉讀之淚沾襟袖

到汴梁寄和云金臺半載挹清標贈我瑤華慰寂寥

閨閣乍欣聯雁序關山忽遣度星輶燕雲縹緲離情

切洛水馳驅驛路遙忍憶河梁臨別語西風殘柳黯

魂銷春初忽傳笙愉姑媳於臘底正初相繼而逝不

勝悲駭閨閣中失此良友能不傷悼哉聞笙愉臨歿

前數日夢吐絲盈掬其平生纏綿細膩之思盡在集

中秋日懷六芳姊云玉簫宛轉答清歌明月當庭一
鏡磨想到微吟倚修竹秋風翠袖晚涼多偶成云風
搖翠竹影參差低拂南窗暑不知小榻夢回人意淡
一簾花氣一篇詩梅影云一鉤新月破黃昏翠羽翩
翩恰到門喚起梨雲同一夢綠雲滿地了無痕題環
碧園云玻璃四面影縱橫細草含香恰嫩晴一幅春
山好圖畫花藏樓閣柳藏鶯五言如奉姑命入都云
薄宦敢云貴故鄉依舊貧別姊云秋花開正好鴻雁
又分飛和石梧韻云似我離懷遣知君鄉思多秋色

淡如許砧聲不可聞綠酣胡蝶夢紅暈海棠枝過潯
陽江云秋老傳霜信林多作雨聲七言如雪花云散
來天女纖纖手飛作春城處處花憶父云啼鳥繞樹
尋巢苦征雁橫天帶露寒車行曉起云一枕荒雞催
夢醒五更殘柝逼人寒和石梧云浮名不過當場事
知已何愁異日無偶隨時樣梳新髻爲喜家常著故
衣嬌兒習字移燈影弱女敲詩愛月華花影拂窗知
畫靜月光臨兒覺宵長涿州道中云一路麥花秋色
裏數椽茅屋夕陽中春日環碧園云柳因風軟嬌無

力花到香濃靜不聞笙愉詩皆性靈結撰無堆砌斧
鑿之痕爲可貴也月裳五律峽山寺云鐘聲何處起
古寺在高峯綠樹生寒意青山似舊容水隨巖石轉
日出洞雲封猿鳥應知我三年兩度逢夜坐云竹徑
清如水蕭然暑不知彈琴聞對月煮茗靜敲詩綠影
橫虛牖朱華護碧池夜來涼露下鶴跡最高枝清氣
撲人纖塵不染月裳爲何子貞太史紹基子婦諸生

慶酒室

湘潭郭氏閨秀集中佳句甚多如獨吟之冬夜云巖

名貞媛爲笙愉祖姑

霜欲下星河淡殘月猶懸鼓角悲哭女文秀云總爲
死生關骨肉極知人世有悲歡歲華老我頭將雪時
事消人心已灰菊云荒徑自甘香冷淡西風不礙氣
蕭森猿啼鶴唳秋氣逼人姪女素心

友蘭

諸生譚鳳

室著有嘯雪山房詩草次三妹秀娟寄懷韻云病多
離思苦春老落花愁尋梅云斷岸留殘雪疏鐘破曉
煙妹芳谷

佩蘭

諸生王德立室著有佇月軒詩草送

竹溪弟赴雲麓兄鄆縣官署云深羨天涯姜被暖轉
憐湘浦雁行單得雲麓兄陝西書却寄云離情倍覺

中年切骨月翻因遠宦疎修竹疎梅頗饒逸韻姪女

六芳漱玉知縣江璨長女諸生羅喬年室笙愉胞姊

有繡珠軒詩鈔絕句最佳歸安舟中作云曾經有夢

到瀟湘夢裏歸家路渺茫今日聽風兼聽水轉疑儂

又夢還鄒舟還長沙云儂家家住南湖東十二珠簾

夕照紅今日忽從江上望始知家在畫圖中集中附

刻表妹玉浣香繼藻倣求齋詩鈔接浣香爲芳谷女

學傅才情五言如落葉云山澗月初滿林空煙不生

和月卿兄九日見懷云秋心梧葉老雁序楚江分送

別郭笙愉姊云關山離思苦風雪客程寒蘆花云明
月淡無影曉霜清更寒七言如送雪麓舅氏之江西
云客路風塵雙鬢短天涯迢遞尺書遲衡嶽云江合
瀟湘朝漢水地包荆楚拱羣峯晚晴云人行曲澗憐
幽草天爲桃花駐夕陽柳枝詞云怪煞東風名孟浪
柔條空與致纏綿味此詩其境遇可想矣

郭智球

隸書

爲笙愉女姪李梅生太史杭室勿失恃

依諸姑習詩文明慧絕倫過目了了旣長歸笙愉長
子梅生孝賢婉婉琴瑟酬唱頗似舅姑笙愉棄世智

珠寒疾未瘳力疾經理哀毀過甚不半月亦卒年僅
十八有紅薇吟館遺草姑慈婦孝竟以死從殊不易
覩何造物與清才而不與濃福耶遺稿清婉絕塵竹
云露滴晴疑雨風生暑亦涼過洞庭和栢生云始知
天地濶不盡古今愁月夜泛舟云檣聲搖月落帆影
逐波行曹州道中云暉樹著秋色荒城帶落暉七言
如春柳云新水半灣微雨後輕煙一帶乍晴天種梅
云掃開積雪千重影種得東風第一枝留別月裳姊
云花滿雕闌春共繡月明畫閣夜忘眠紅拂云英雄

何處無知已難得傾心是美人

湘潭王湘梅

瑞

主事夏恒室著有印月樓詩詞稿秋

月云一庭花氣乍涼天露冷香濃月正圓料得天涯
當此夕滿懷秋思不成眠浮梁吳閨懿月夜云十二
銅壺漏點遲流螢低度紫薇枝蟾光不爲關河隔千
里愁懷兩地知無錫顧文婉主事侯麟勳母著有楓
香閣集寒夜云小屏人靜玉笙寒一點殘燈伴夜闌
爲愛焚香消永夜滿庭明月不曾看對月懷人低個
無限又見善化羅麗生

金淑

春夜云空明如水轉廻

廊滅燭閒房夜有光漸到中庭花影亂一春鶯燕夢
中忙見花影而想入鶯燕夢中固已新矣然不如湘
陰李仲霞是池池上口占之自然也李云流螢無數
故飛飛閒步西池露氣微却愛數枝荷葉影忽隨明
月上人衣人皆知用花影此獨用荷葉影立意更新
仲霞爲石牀中丞妹梅生太史姑母

余常論詩猶花也牡丹芍藥具國色天香一望知其
富貴他如梅品孤高水仙清潔杏桃穠豔蘭菊幽貞
此外則或以香勝或以色著但具一致皆足賞心何

必泥定一格也然最怕如剪綵爲之毫無神韻令人
見之生倦讀湘潭郭六芳論詩云玉溪獺祭非偏論
長吉鬼才亦妙評儂愛湘江江水好有波瀾處十分
清厨下調羹已六年酸鹽情性笑人偏近來領略詩
中味百八珍饈總要鮮今古才人一例看端莊流麗
並兼難桃花輕薄梅花冷占盡春風是牡丹可謂實
獲我心矣

太谷溫潤清

如玉

號梅君又號秀羣總督承惠孫女

侍講學士啟鵬女風神絕世與余最爲莫逆歸徽州

鮑敘眉刺史時基刺史謁選京師潤清偕至歸省其
母李太夫人居京師者八載潤清兩妹一早歿一遠
嫁閩中常慮刺史選授遠地嗣姑恐不能就養老母
又難遠離以是悒悒心憂居恒多病余每勸慰之王
寅春刺史選授黔西州潤清住恐違姑去愁別母憂
形於色不得已別母就道臨歧執余手痛哭瘦骨支
離容光憔悴殆難爲別五月抵和州奉嗣姑赴任初
刺史之叔充淮商眷屬居揚州姑依焉至是以夷警
遷避和州時方炎暑將俟秋初行而夷警日逼江南

北皆震恐向之避和者又紛紛他徙姑皇懼乃隨夫
弟眷屬回徽潤清偕刺史於七月朔赴黔時夫婦俱
病疴停舟安慶覓醫診治於八月二十六日卒於舟
次年三十有四潤清體素孱弱加以別離悲感烽火
驚憂觸暑餐風遭疾必重余得其舟次所寄書心竊
憂之果遂不起傷哉潤清生平以禮自持無一嗜好
惟愛書畫見余片紙隻字皆珍若拱壁笑言不苟疾
惡甚嚴而待人接物必誠必敬同儕多以道學氣嘲
之每言他日結鄰邦上作閩中之元白討論詩文以

娛暮景於願足矣余與潤清交久聞其天逝悲痛欲
絕母病三月方愈憶送潤清詩序中有云五載交深
性情俱洽一旬不晤餽問頻貽扶持於疾病之間關
切乎寒暄之外交誼若此豈易邁哉凶問至京李太
夫人爲位於法源寺諷誦追薦余哭之以詩有素腕
瘦來無一握風霜早已爲君愁及數年返哺情空切
爭奈慈姑戀故鄉剪紙招魂腸欲斷忍看白髮哭紅
顏蓋紀實也潤清詩不多作然娟淨可誦又深子平
之學曾和余梅林覓句圖韻七律云幾生修到夢難

真香海花天結淨因獨向此中參妙諦好從箇裏證
前身畫檐共索干枝笑彩筆先開十月春疏影參差
寄清賞拈毫那復惹纖塵他日當搜其遺稿傳之

畢節邱雲漪

孫

朱建卿助教善旂室工四體書而行

楷出入鐘王姿妍骨勁秀色可餐每乞書尺幅愛玩
不能釋目余入都後卽承相訪交誼頗深近年書法
愈進縱橫變化直有香象渡河羚羊挂角之致詩筆
沉著爲書名所掩遂不多作余因詩話中各相知皆
以零珠碎玉見投而雲漪獨無畝往索之復云足下

以閨秀詩壇盟主編集海內同人之作而爲詩話自
是不朽盛事樂附驥者定不乏人承闢愛下徵徂句
心感之至惟蓀蓀不工吟詠少時偶作手錄存之今
不知向何處覆瓿近則米鹽累人卽間爲之亦隨作
隨棄自知無足存不自愛惜憶卽事題有云空囊尙
能勞鬻醬焔燈那復禁蛾投皆隨所見書之而觀者
以爲譏時之作在蓀實無容心也近游法源寺得句
云坐禪竊喜僧無語觀世翻憐佛有情此却有意言
之耳昔年初訂交時有奉題大集及乞畫各一律以

無出色處故置之今錄另紙求教尙不加削正殊非
見愛之道矣今錄一章題鴻雪樓初集云一編冰雪
爭聰明蕙質蘭心氣味清腕底簪花傳妙格風前柳
絮暢幽情掃眉果見眞才子不櫛依然太瘦生想到
拈毫人寂處推敲五夜別殘檠獎飾過情令人顏甲
京都夏間售冰梅湯其人一手持小銅盞二敲之名
曰冰盞予與雲林填賣花隣四閱予爲攔筆冰盞響竹二
詩等題雲林填賣花隣四閱予爲攔筆冰盞響竹二
章最爲警妙因錄於此冰盞云午睡正膏騰渴思難

禁雪來涼藕待調水猛聽一聲聲脆響入耳先清深
巷綠槐陰弛擔停停弄丸妙手太瓏玲絕似夜深銅
盤擊幻作龍吟響竹云半劈翠雲枝鳳羽雛雛湘筠
光滑稱柔蕤恰好水晶簾捲處響逐蠅飛搜拂罷輕
揮冰簟初移沙沙入耳夢迴時恍似短篷聽急雨棖
觸鄉思余詠冰蓋結句云平生有熱血肯爲爾消融
李寄母賞其豪邁然方此清詞麗句不免陳腐可嗤
矣

壬寅仲秋下弦之夕夢乘小舟見淥水澄空垂楊拂

岸舟行甚駛至一處樓閣參差岸邊有屋臨水三楹
入右室見費莫門富察太夫人面東坐炕懷抱嬰兒
約三四月者膝前立一小兒頭枕於膝約三四歲寶
笑云太夫人左提右抱頗似送子觀音太夫人笑頷
之慰勞如生平室中東偏開窗兩扇倚檻望之恬波
萬頃彷彿西湖之湖心亭惟四面未見山色凝眸之
間聞傳賜食而寤情景歷歷在目因憶戊戌春日隨
李太夫人往謁太夫人拂拭獎許此後顧復優厚寶
亦依戀若老親焉太夫人生於富貴因遭家難備歷

艱辛爲外英春圃公療疾自割股肉一次孀居後長
齋繡佛教子成名治家嚴肅內外穆然性復慈祥愷
悌樂善好施如合藥捨材捐衣修廟助人婚喪拯人
水火莫不竭力爲之寶于歸後太夫人訓云爾今作
婦非在家時比尤須孝賢勤儉勿恃才華而生傲慢
後聞寶處上下皆無間言太夫人見而喜曰爾能孝
慈無負吾心甚慰太夫人於辛丑十一月十一日卒
臨終口誦佛號不絕聞者無不傷感忽忽至今十閱
月矣茲忽見諸夢寐豈結想所致抑太夫人垂注所

及均未可知因賦二絕以記云拂岸垂楊映綠波仙
山樓閣望嵯峨入門添得慈顏喜慰藉殷殷款語多
披拂春風感昔年今從幻境示真詮慈航一業遙相
引雲水光中拜妙蓮太夫人薨後寶擬作輓詞未就
讀李太夫人所作五律二首覺情真語摯包括生平
遂不敢落筆矣李太夫人詩云桃李公牋植原注小兒湘棻
爲令子文孔修閨中結契深登堂披蕙帳略分話苦
尚書門下士學俊逸神仙骨慈祥古佛心彌留無一語訣別惜分
襟一笑仙山去芝儀不可求紅塵功行滿白髮故人

留縹緲諸天隔縱橫老淚流祇憑香一瓣
焚向鴛峯頭太夫人爲英春圃侍衛華室文孔修
尙書慶母外子爲尙書門下士

虛白老人云乾隆辛丑侍父令廣昌彼處風俗上元
之少女眷觀燈卽入內衙觀玩相沿日久遂不之禁
是歲上元得遇廣昌聞秀黃連城

玉潤

妹素芳

玉蘊

系出儒家彼此倡和相得甚歡後別經數十年往來
書札不絕尙憶初晤時唱和之作連城寄虛白老人
憶秦娥云春歸早枝頭漸覺鶯聲老鶯聲老紅稀綠

暗踏青人少惜花每向芳叢戀韶華九十難長好難
長好東皇一去飄零盡了蓬萊島紆迴遠隔無青鳥
無青鳥尺書寫就鴻魚猶杳春歸小閣推敲少詩成
每憶知音渺知音渺至今贏得愁思縈繞素芳十九
而嬌孤寒無子六旬述懷云少年勵志矢艱辛鐵剪
金鍼度此身雙鬢白來猶力作怨天不敢豈尤人北
望燕雲路幾千可憐白骨葬荒阡一盂麥飯無人奠
意慘魂銷四十年

虛白老人又出其祖姑蘇蘭谷太夫人遺草數頁見

示如秋蝶云離邊忽見影脩脩團扇攜將遺

道莊周初入夢原來風弄軟枝條瓶梅云分得西湖
處土花芬蔭插向膽瓶斜朝來胡蝶穿簾入題罷紅
箋漫瀹茶遺草中夾有陳玉賢送別蘭谷表姊二首
云描金整理舊衣箱三月連牀度影忙歎灑莫辭分
袂酒從今日九迴腸一尊開向桂堂前惜別依依
轉自憐五月石榴紅似火與誰相對看花天又以姪
女潘夢亭佩芳太恭人詩命採詩如寄虛白姑母云
柳色青青舞嫩條梅花香裏駐星軺山川到處供吟

筆問海歸來句轉饒三人皆予同里萼亭號香海諸
生從父學曾先生室助教祖望司業祖懋編修祖諫
母

詩言志讀其詩可識其人之性情如湘潭郭獨吟步

瀟云誰道根苗寄未深春來點點泛波心憑他

無限風波惡只可高低不可沉讀之令人凜然後閱

笙愉敘中云祖姑生性孤介不惡而嚴又讀山陽陳

玉岑餉蠶詞云重帷篝火護春寒永慵多午夢酣

睡起裁詩先匿笑綠窗人更嬾於蠶余謂其人必然

個儻者惜無處訪問玉岑有來鳳樓集許志進室

壬寅初秋家夢蘅以吳香蘇所畫秋芳圖索題展卷
視之知卽當日吳蘭雪中翰與法梧門學士換舊墨
琴所臨玉版十三行者圖中秋葵海棠顏色雖減而
筆情媚秀楚楚可人旁有墨琴題句云豈非抵鵲問
塗鴉敝帚千金享太賒誰道凍蠅書一紙化成天女
手中花李晨蘭云仙姿不著一分肥展向晴窗映翠
微人意蕭疎花自淡夜深涼月曳秋衣霧鬢風鬟絕
點塵秋涼恰到五銖身如何奪得徐黃筆曾是當年

寫韻人予卽題二絕云聞說延陵筆似椽閨中才調
亦清妍秋芳圖換簪花格韻事流傳五十年香蘇六
法墨琴書珍重詩龕錦不如滿目秋光誰是主牙籤
今伴美人居

秋芳圖上又有金鏡清

蓉

題減蘭云殷紅淺碧一幅

圓圍芳草色籬外香飄翠管銀箋著意描露華秋早
杏子羅衫初試了風格誰如只有簪花玉女書楊蕊
淵芸利云一庭涼露苑紫嬌紅爭媚嫵彩筆傳神原
是妝臺寫韻人簪花標格換得芳叢幽豔色翠袖生

寒涼到秋容轉耐看蕊淵爲郎巾芳燦女同知秦承
歸室博學工詩會輯閨閣古今詩話爲金箱舊說
吾鄉西湖佳處全在眞山眞水所以四時風景及陰
晴朝暮姿態不同月夜更爲清絕煙波浩渺一望無
際偶見數星漁火出沒蘆汀菱渚而已蓋限於城闌
無人作秉燭游也先慈在時每年六七月之望必招
姊妹攜兒女泛舟游玩觴詠達旦家兄等亦邀一二
至親之善音樂者別駕一舟相離里許萬籟皆寂竹
肉競發歌聲笛聲得山水之助愈覺空靈縹緲維時

月明如晝荷氣襲人清風徐來水天一色想廣寒宮
闕霓裳羽衣曲不是過也令人有飄飄出塵之致今
則先慈見背已經十載余復遠離鄉國卽欲一覲松
楸亦不可得回憶萊綵承歡時恍如游仙夢醒矣偶
見蘋香花簾詞集中有四月十六夜泛棹北山月色
正中湖面若鎔銀戲拈小石投水波光相激月纍纍
如貫珠時薄酒微醺繁絃乍歇浩歌一闋四山皆應
不自知其身在塵世也譜喝火令云放眼壺天隘富
頭璧月圓玻璃十頃不嫌寬金管玉簫檀板齊奏木

蘭船片石投如矢層波漾作圈明珠散走水晶盤那
得山靈借我仙掌小於拳那得虹霓成線萬顚一齊
穿覺湖中風景宛在目前棖觸舊游不覺惘然

南昌劉箋雲爲大刀將軍鋌後深通易理兼精拳法
性亦剛毅頗有家風與余最爲莫逆時余年尙幼箋
雲長十餘齡比屋而居倡和時頗多皆不記憶後忽
悟元功日以煉神養氣爲事與余相見漸疎詩亦不
作氣質爲之大改余僅記其味道首二句云大道還
從心內求六根淨處絕無憂進境可想余與箋雲別

已廿年無從問訊而落月屋梁甚形寤寐不知何日
再能握手爲我力斬塵障也

南昌姚慧卿

武瑛

淑卿

武珍

姊妹美秀能詩慧卿十

二齡作西湖十景詩極其妍麗爲時傳誦余最愛其
春日偶成絕句今僅記花滿瑤階蛺蝶飛七字矣淑
卿十三歲贈余七律有書畫竟能供菽水才名直欲
動公卿之句今則遠隔數千里音問不能時至回首
前期不勝感慨慧卿姊妹爲姚樹堂離尹昀女

蘭溪王文娟

墨影

夏夜云雨向堦前滴愁從靜裏多

聊傾殘茗飲無可奈愁何余近年因時事家事種種
拂意夜窗聽雨讀此不禁掩卷太息也

詩本天籟情真景真皆爲佳作毘陵陸君淑暮春云

日暖雲俱困春和意反慵桐城左信芳

如芬

初夏云

不知春色老但覺落花多吾鄉陳定林

素安

小園云

瘦竹雙禽語疎花一蝶飛許雪芳

元潔

秋曉湖上云

山巒煙霧裏樓閣水雲間徐素存春夜云更靜鳥聲

怪山空樹影稀張詠雪

嗣謝

游五畝園云朱闌紅芍

藥翠幙紫蘭蕤張柔嘉北郭云秋隨人意冷雲共客

心閒上海趙莚芸雜題云煙霞秋自在山水興如何

曹采荇

錫淑

秋夜云梧桐今夜雨蟋蟀去年聲揚州

任靜宜

婉

卽事云山雲含雨氣林鳥變春聲遠望云

冷煙癡蝶夢細雨醉春花武城顏鉶山居云危巖飛

雨色古樹咽蟬聲泰州陳傅姜山行云亂竹不知蹤

好山多抱樓嘉興褚繡餘泰溪舟次云日暖野花馥

春遲碧草鮮全椒郭芝田

芬

秋隲云涼意泉中靜秋

聲林外暄范秀林

淑鍾

隨夫子之茗塘云碧蘿蒼蘚

宅紅樹白雲村宛邱王氏夜坐云秋心增半夜雨氣

滿孤燈上元黃季雅嘉小園云亂藤穿石隙老樹立

雲根水暖魚吞絮花香蝶抱鬚烏程董禪菴葉潯溪

道中云舟行如岸轉山靜覺雲閒武陵陳夢榮玉解

聞雁云關山千里夢風雨一聲秋番馬張蘭士雨過

云萬綠爭含潤一花妍欲殘湘陰左季蘭玉月夜

云鳥寒巢暗樹人定倚高樓趙豔貞淑午燕云泉流

蛙徑活花落鳥窠香張嘯舟瑤英秋齋云兩隣蛛營

網林疎鵲補巢又見姚鳳儀孤鴻云數聲和漏永隻

影共星稀長興丁靜嫻瑜卽事云歲月愁中老關山

夢裏歸休甯金太霞

宜哲

病起云親慈增食品弟慧

改醫方崑山孫九儀

鳳召

新婢云遲回來任事羞怯

出應聲善化勞月移

文桂

夜紡云燈影寒依壁江聲

夜入樓又琴川趙少蘊

貴璠

春暮卽事云鶯花因雨

困親串爲貧疎有感云家貧僮僕散花瘦蝶蜂稀醉

後云乾坤容我老湖海笑人忙覺老云聰明隨歲減

顛倒逐時生皆有咏乎言之

益都馮如蘭

僊

諸生陳師錫室登晴川閣云萬家煙

火山連郭一派江濤水接天與大興孫芝香

玉樹

之

登黃鶴樓云兩峯雲氣連三楚萬里江聲聚一樓氣
格相似

屈芷湘

凝

錄庶姪謝雪卿遺詩云花凋梳子心難結

露盟薔薇手替編王絮卿

謝

春雨云三日東風紅杏

雨一池春水綠楊煙詞面同一嬌潤陳傅姜秋眺云

千里關河初過雁四山風雨獨登樓上元紀阿男幽

居云流水穿林尋野鶴夕陽歸樹護棲鴉番禹張蘭

士秀端

游珠江晚歸云返棹便和花共載尋詩擬約

月同行德州何氏初晴云斜陽鴉閃高低影遠樹蟬

吟斷續聲王瓊瑤詠梅云一枝離落黃昏月半樹溪
橋暮雪天止海謝麗娟秋懷云長空白雁西風急隔
岸青蘿落日低石城富隱蘭夢羣秋夜云空庭風落
數聲葉老樹霜棲幾點鴉

揚州吳佩芳

蘆

書懷云待月未來聊散步拋書無那

畧歌眠安慶盛氏夜話云髮爲愁貧容易白詩因懷

遠忽然成會稽劉守拙

淑慧

焚香云暫留裊裊春煙

碧漸化星星劫火紅桐城徐素存

悲文

漫興云儘有

烏啼將落月杳無人問未開花吳坤元送堦之和州

云却爲劉蕡猶下第遂令王粲又登樓方澗濱敷輓

陳懷玉云粉膩香箋詩博士香薰繡佛女維摩鄧烈

婦遺閣云梧葉秋風寒翠袖梨花夜雨掩柴門石門

孫晚蘭自號愛蘭主人雨夜不寐云三徑有花判夜

雨五更無夢聽春雷海鹽彭映玉琬懷王辰若云曲

巡茶香留夜月朱闌雀下看圍棋妹勿玉琰和云纖

眉盡就春山色素紙裁成白雪詩卽事言情楚楚有

致嘉善家孟端揀詠藤花云鬢鬢影隨華鬢動纍纍

香貫蕊味斜甘泉張淑華英雁字云畫裏雲煙原有

名媛詩歸 卷七 天 鴻雪樓

熊人間波磔盡無痕烏程溫慕貞秋蟲云孤館酒醒

霜月夜荒園人靜夕陽時吾鄉梁素書秋草云凄惹

寒煙籠蟋蟀冷和明月焚琵琶戴謙雪若瑛古劍云

久埋茂苑應騰虎偶過延津定化龍婁縣張華芳介

落葉云抱樹寒蟬徐斷梗歸巢夜鵲訝空條餘姚聞

人嶽音詠夢云槐國既無分晝夜漆園那復論春秋

卞元文夢鍾落梅云因追瀾上初春日轉念孤山二

月時衢州文奎星詠風云飽逐布帆斜挂處亂墮

山雨欲來時無錫曹采蘋錫珪詠愁云明月黃昏人

乍別落花簾幙雨初收刻劃無痕秀麗精切

華亭孫淡霞閒居云松窗日瘦閒臨畫薤簾風清倦

枕書如皐范節婦一柏

貞儀

春日經綠雪山房云頻

逢風雨花應瘦久廢刪鋤草漸肥丹徒張采芾中秋

與諸妹玩月艾蒨亭云芳徑草衰蛩語切碧天雲淨

雁行齊妹采蓮和姊韻云雲影散空如水拭月輪當

午與樓齊蒙陰張孝女抒懷云翠竹長留終歲色嬌

花且種及時妍金壇楊端一

淑貞

病起東汪井桐姊

云玉夜挑燈燒豆豉三秋覽鏡減芙蓉湯蕉雲

朝目

號華嚴女子春夜云半枕蝶魂春夢杳一簾花影夜

窗虛安邱梁秀中原自號袖石道人夜坐云梨花夜

月原同色風竹流泉不辨聲皆有劍南風調

吳縣戴松琴令儀字德珣翰林葆營女諸生汪獻珩

室著有菱鏡樓詩鈔渡黃河云九曲源誰掬碧落千

年壽幾俟澄清十四字老鍊清切

名媛詩話卷八

錢塘沈善寶湘佩著受業德清俞德秀校字

寶言塔如亭夫人字竹軒有如亭詩鈔爲鐵冶亭尙
書保淑配工詩善草書蘭竹兼能騎射識見過人詩
致清峭游西湖云嶺自棲霞一脉分水仙王廟按重
雲閣中也仰精忠烈不拜花神拜岳墳聞夫子小志
以詩致問云百里飛鴻去匆匆問恙遲憑誰丹藥好
民病最難醫丹中偶成云香味小舟中漁婦作羹好
勞勞是魚鷹空看他人飽意甚深微

如亭夫人紀嘉慶元年正月五日

交泰殿朝賀

禮成四詩云疎星耿耿玉階環銀燭輝煌識

御

顏漏盡雞人紛報曉

九天傳語列朝班簾啟金

鉤

鳳輦迴繡幢寶蓋倚雲開畫樓十二春風暖

環珮聲中

御樂來翟衣初試拜昭陽香霧氤氳

裊殿廊朝罷金鑾傳

御語親承

鳳旨賜茶

湯霏霏瑞雪降嘉辰袖惹爐香

御座春回首瓊

樓金闕遠

九重天上步芳塵典麗喬皇如聞黃

鐘大呂之音似唐人早朝詩

滿洲棟鄂少如珍莊成新泉觀察山室妹修篁武莊
宗室祥竹軒輔國公林室少如修篁皆如亭夫人少
女並能詩畫少如詠寒硯云弄月吟風實未能耐寒
石硯亦爲朋尋題每喜留餘墨落筆猶嫌呵凍冰窗
外幾曾烘暖日案頭常自伴青燈笑余未盡磨穿力
空負玉錐歲月增寒林云響盡秋聲景物移階前落
葉幾參差嚴霜催老林千處凍雪疑成玉萬枝春信
將臨梅便覺東風未到柳先知空山生意何曾盡松
柏原爲絕世姿家學淵源殊爲盛事

滿洲西林太清春宗室奕太素貝勒繼室將軍載釗
載初之母著有天游閣詩稿才氣橫溢援筆立成待
人誠信無驕矜習氣予入都晤於雲林處蒙其刮目
傾心遂訂交焉贈詩有中櫜英雄異俗流江南江北
任遨遊蕭條行李春明路半載新詩半載愁之句此
後倡和皆卽席揮毫不待銅鉢聲終俱已脫稿天游
閣集中諸作全以神行絕不拘拘繩墨題畫桃花云
柳半垂條草半芽輕寒輕暖欲烘霞瑤池自有三千
歲錯被人呼薄命花中秋奇仲兄云茫茫四海少朋

儻應似東坡念子由今歲秋來寒特早西風和淚寄
羊裘題桃源圖云一棹春波去路深夕陽又下碧山
岑重來縱有漁郎問滿澗桃花無處尋自題梅花云
風帷小影抱寒梅忽訝低枝近水開不許飛花驚鶴
夢月明人逐暗香來遊山歸蒼六女叔文云十二
三偏落雨月明十五漲溪流貪看秋色歸來晚竟作
南山十日留雨後游淨業湖云一泓積水繞靈祠荷
葉荷花香滿池稽首潮音觀自在莫教花葉雨離披
原注湖上有祠曰滙通有閭曰潮音普覺雨後湖光事事幽綠楊風軟似

清秋水天濶處荷花少照見當年帝子樓

湖南岸臨莊敬公主

樓佳句如瓠瓢云長柄幾經勞畫手細腰不待減宮

厨次夫子見示原韻云下愚富貴萌驕念上善工夫

好讀書經先塋有感云大字已無書屋匾

原注丙舍有先文端

公書雙
藤書屋

長松半隱墓門牆祝夫子四十壽云萬言詩

句垂千古一氣洪濛合大鈞送劍兒往完縣勘地云

飽看山水多加飯乍歷程途要早眠海甍車中口占

云一條官路朝初散五月新蟬耳乍鳴雨中用清秘

閣韻云野卉短垣紛落瓣瓦盆積水小生波夢中得

句云種桑未必能供繭樹蕙無非暫養心太清詩結
句最峭如寒江云最憶富春灘上客一竿無恙老羊
裘秋柳云難禁最是瀟瀟雨令到紅闌第幾橋妹霞
仙^旭有延青草間詩草王寅上巳後七日太清集同
人賞海棠前數日狂風大作園中花已零落諸君卽
分詠益中海棠霞仙是日未到次日寄四詩至頗堪
壓倒元白今錄二首云山中風信尙遲遲三月含苞
綴滿枝間說天游閣下樹業經開過看花時新題遙
寄暮春天姹紫嫣紅劇可憐爲問社中諸姊妹阿誰

曾作海棠顛女以文親君

載道

淨業湖觀蓮和余原

韻云十里紅蓮香滿漪湖光山色碧參差同游佛地
消長夏樹映濃陰暑不知身居淨水號清香蟬繞垂
楊水繞塘古剎殷勤留客坐天公今日送陰涼以文
年僅十五而才膽學富已見一斑矣

陽湖張孟繼

紹英

爲翰風大令琦女仲遠大令曜孫

長姊吳偉卿員外贊室詩筆幽峭工於感慨著有憺
菴軒詩詞稿留別弟妹云聚首旣云樂每憂分手時
分手忽在卽離思何可支堂上白髮親容顏日以衰

大人雖強飯辛苦獨自持慈母兄抱病常藉藥餌資
在苒卅八年骨肉長相隨一旦欲睽隔戀戀不忍辭
視彼投林鳥回翔繞故枝嗟余獨遠行何日重牽衣
舉頭見明月啞啞慈烏嘯溪流爲鳴咽花影亦離披
弟妹設酒筵殷勤勸一卮舉觴屬弟妹揮淚重致詞
逝子日以遠親心日以悲承歡愼朝夕步履謹維持
親身日以康子心日以夷千里雖云遠魂夢常相依
丁甯再三屬不必問歸期努力事高堂愼莫說相思
已丑仲秋自館陶至京師途中阻水云秋氣集百蟲

原野目蕭瑟西風帶霜威吹我一何烈去親遠從宦
千里適京邑忍念割親歡掩面離親膝庭闈日以遠
離思日以鬱征鴻呼其羣離獸索其匹中心摧以愴
涕淚下還晒行行重行行人馬苦饑渴微雨灑薄暮
斜照忽西沒積水浩縱橫道路失軌轍衝波愁雲黯
陟阜欲顛蹙我馬爲悲鳴我僕爲戰慄夜深猶曠野
昏月暗如漆蕭蕭空響動閃閃秋燐出野鬼嘯林間
鷓鴣號木末模糊藉燈影閃爍乍明滅平生處深閨
未識世途仄坦夷尙如此險阻安可說何當賦歸興

佔隱結蓬室舉案樂自長娛親志堪悅山川契幽賞
朱紫那可及一任夷毗人磨碎輪蹄病感仿天真
問體云死別生離不復哀此生惜澈劫餘灰有心學
佛身仍累無福看書病卽來乍熱乍寒神已亂非煙
非霧眼慵開欲憑靈藥扶衰景更漏敲殘苦未回
爲人治疾常夜半不歸仲遠入都悲喜交集賦贈云五載傷離
別相逢名恰然鬢絲予漸減風骨爾猶堅喜極翻成
淚來遲約屢遷可能長聚首聊以慰重泉跋涉未經
慣誰憐病裹身風塵顏色異歌嘯性情眞閱世空夷

險淨名有屈伸不妨聊小隱寒谷自回春此地欣重
聚江鄉悵遠違池塘應有夢砧杵謾懷歸良會嗟難
合前塵迹已非何時結茅屋相與共忘機且莫悲生
計相依共唱酬浮雲身世感明月古今愁白眼看流
俗青山待壯遊清時漫投筆何處覓封侯孟緹因擷
芳集收閨秀詩太濫正始集選閨秀詩太簡故另選
閨秀詩一集搜羅甚富尚未付梓

孟緹姊妹四人皆能詩詞仲緯青緹英者早世有緯

青詩草久已刊行叔婉綸英季若綺緹英弟婦包

孟儀

淑媛

善入分婉紉能作擘窠大字詩筆極蒼老

姊弟同居一宅友愛最篤姊妹姑姊臨池倡和極天
倫之樂事繪有比屋聯吟圖母湯太夫人瑤卿有蓬
室偶吟遺草去歲婉紉孟儀各寄一聯贈余寫作俱
佳閨中罕覩孟儀贈聯云卷中柳絮傾心久夢裏梅
花識面時

張緯青爲江陰諸生章政平室歿年祇三十遺詩雖
不多而神似六朝詠蘆云一夜西風冷江蘆瑟瑟秋
雪翻溪鷺失月動浪花浮煙景迷前渡疎枝拂釣舟

祇因憐歲晚詩思滿汀洲別諸姊妹云落日催征棹
相看涕泗流迎風牽翠袂何日問歸舟杜宇豈無意
浮雲不自由含情耿不語腸斷下汀洲誌夢云鄉關
望不極離別日已久不盡倚閒情空餘淚盈袖東風
滯歸鴻離思苦和逗颯颯北窗風迢迢水添漏轉轅
不成眠遙夜長如晝霜天啼杜宇澹月下窗牖虹橋
在何許縹渺不能渡嫦娥憐寂寞指點虛無路朦朧
雲霧起倏忽百餘里不聞風濤聲歸心靜如水扶桑
標旭日浮霞散羅綺迴看半掩扉依舊蒼苔裏繡闥

倚依稀屏開篆縷微簾櫳鸚鵡報阿弟笑羣衣連袂
趨瑤砌承歡出錦幃芻尼晨報喜燈蕊夜懸輝寒梅
燦東閣話兩西窗宿新茗瀾龍團瓊芝泛舊柏日暖
畫堂前飛觴醉綺筵椿萱同介壽姊妹各披箋酒酣
攜紫佩飛花點衣袂散步下堦墀風細鳥聲碎草色
漾新痕松風拂深翠流連心神怡此樂不可再雲煙
倏渺渺驚雷墮天表肅然動魂魄曙色橫窗曉鄉國
杳何之帳冷殘燈小似聞慈母語絮絮猶未了

張婉紉諸生孫叔獻劄室著有綠槐書屋詩詞稿婉

紉刻苦甚於諸姊妹才容兼備性復純孝尊甫翰風
先生疾亟於弟婦包孟儀不約而同割股和藥以進
詩筆深沉凝鍊而出送孟緹伯姊入都云涼風動高
梧哀蛩響幽咽敲枕不成眠攬衣長歎息瞻彼連枝
樹藟萼多歲月視彼林間鳥衆雛常比翼嗟我雁行
遑遑遙望薊北再拜送君行欲語心戚戚憶昔別姊
時回腸幾碎裂馳驅二三載神魂日飛越幸得重聚
會承歡兩無極倏忽數年間又當遠離州離州復何
言泣涕沾胸臆君今六翮振翱翔自安適而我若梁

燕秋至催歸急焉能避風塵穩坐瑯檐側身世等浮
雲勞逸詎能測目今一揮手何時見顏色努力慰親
心善保軀金石題雲峯山鄭道昭石刻云巍巍雲峯
山千仞不可極猿狖愁攀援飛鳥苦難越壯哉鄭將
軍振衣造雲闕峭壁恣揮豪雲崖滿真蹟怒濤腕底
生迅雷筆端出落落星辰張矯矯龍虎活豪蘊天地
精壘灑山川澤盤犁山靈驚使轉鬼魅慄軼氣凌飛
仙剛鋒劇珍鐵深沉李程規堅勁鍾張骨煙雪常呵
護風雨不敢蝕千載仰遺規神彩猶奕奕斯山藉公

靈海內憑研習愧我性庸愚摩效空彷彿不克窺藩
籬焉能得奧蹟展卷徒留連抗懷長歎息讀史偶成
云冬雷殷殷夏雪飛錯逆陰陽變新律長鯨拔浪海
水渾黃塵暗天激白日古來爭戰能幾時百萬蒼生
慨枯骨殺伐原非上帝心凶殘終藉王師滅九州蕩
蕩四海一虞頌唐歌久洋溢大地春回萬物冒空山
杜宇休啼血

張若綺太倉諸生王季旭職室華詩古文詞譜有友
月鄰雲館詩草筆情深婉不下諸姊送孟繼伯姊入

都云秋風動簾帷
皎月照離色
中夜不成寐
念此千里客
離別亦恒有
我心獨悽惻
京國多風塵
昔姊當遠適
清霜被原野
道路苦間隔
寒蟬號枯林
蟋蟀鳴四壁
相離一何速
憂思徒脈脈
二云別情已紆結
太息念我親
育姊將卅載
形影未忍分
寒燠庶親愬
咿嘯勞親神
一旦舍之去
能不懷苦辛
親鬢日以衰
女髮日以新
顧此遲暮年
曾不侍晨昏
我心尚如此
親心顧可陳
生女誠無益
涕泣亦何云
三云骨肉本同根
枝葉相連蜷
吾生齒最稚
諸姊皆嬋媛
伯兄忽巾

折仲姊復棄捐死者長已矣生者宜盡歡人生瞬百
歲欣戚有變遷視彼同羣鳥羽翼何翩翩四云欲去
不可挽心悲徒愴神今日且歡樂盡此酒一尊絲竹
激清響殺核既具陳良會不易得驪駕况在門此行
宜燕樂琴瑟和且均離居誠足悲觀面亦有展異地
殊雲日遠道多艱辛隱憂損玉體何以慰二親執手
重徘徊語盡意未申努力各自愛要我以陽春寄孟
綸伯姊云憶弟難爲病裏身近來離思倍傷神昨宵
喜得平安字多恐平安字未真老去心情苦著書紅

幾久薄女相如大家自有名山業一代文章付石渠

原注如著 國朝列女詩錄

寂寂閒階何處砧蕭疎木葉雨中深

定知剪燭西窗下欲寫秋懷只獨吟憔悴頻年鬢易

絲銷魂最是夕陽時舊愁新感都陳跡寥落秋江繫

我思若綺女王澗香

采蘋

簞香

采綠

秀慧絕倫十一

二齡卽上韻語澗香詠白荷花玉亭亭翠蓋覆華池

綽約芳魂絕世姿一鏡清波低照影月明風靜露涼

時題王飛鸞佇月圖云薄羅衫子研輕紅想像手神

小立中一片銀雲凝不動鬢絲低颺藕花風簞香古

劍云百鍊純鉤照眼明寒光乍掣鬼神驚匣中寶氣
沉埋久月黑宵深作意鳴古琴云松濤萬壑入遙林
一曲冰絃海客心獨坐焚香寫幽意白雲明月最知
音出筆不凡亦綠薰染之深也婉紉若綺俱工倚聲
曾於孟綈壁上見婉紉若綺俱和秋柳之疎影二闋
婉紉云江南春影賸隨寒落塵夢難醒歷盡煙光
惹盡閒愁纏綿密意誰省鈴旛只設閒桃李看鏡裏
蛾眉瘦損恁柔條不耐春華也傍紅樓香燼誰是天
涯伴侶只雲窗煙幕知我淒冷花落花開幾度銷魂

都付斷蓬浮梗孤懷便合依彭澤算未失舊時情性
祇消他碧月江天照澈一生幽恨若綺和云芳塘似
鏡看額黃染波面相映煙籠隄月滿春城嬌柔合
趁情性眉痕自寫遙山翠渾未解征塵離恨忍禁他
雨雨風風攪作一天愁影容易良辰難暮夕陽淺草
外又送歸艇閱徧炎涼散盡飛花輸與閒鷗眠醒英
蓉耐得霜華飽還覩我九秋妝靚但朝來重整雲鬢
不是舊時青鬢余秋紅社中分詠秋柳曾賦金縷曲
閱者許爲抽簾詞云秋到隋隄樹看蕭條兩行瘦影

梳煙掠霧旖旎情懷離別恨攀折西風幾度任玉笛
陽關頻訴畫出江南煙村景點寒鴉流水斜陽渡應
有客傷遲暮三春綠夢匆匆去記聽鶯畫船曾繫翠
陰深處十里紅樓妝未竟換却鏡中眉嫵莫更問撲
簾脂絮人去靈和風流盡任殘蟬抱葉吟疎雨金縷
曲休重譜

湯瑤卿太夫人蓬室偶吟不假雕琢自然清雅如常
州至嘉禾道中云碧波渺渺擣輕分何處鐘聲隔岸
聞一抹曉霞螺髻出舟人拈點錫山雲結茅偕隱願

猶虛舉案常隨廬下居一水茫茫山疊疊不知何處
是吾廬余嘗聞孟緄云太夫人心思靈巧工剪綵爲
花烏山水無不畢肖嘗戲以蛋殼爲螢燈燈上剪綵
作溪山圖畫高峯入雲懸崖百仞上建浮屠七級左
倚層臺晴暉麗景金碧照耀山石掩映斑駁陸離東
麓巨木槎枒綠葉葱蒨樵子行唱其間平隄曲澗垂
楊碧桃映帶村落小舟沂流而入恍惚如問津人隔
岸層巒疊嶂三面臨溪似成山之斗入海者又東長
橋垂虹林木深隱山亭翼然廼在樹杪傍則傑閣聳

立溪水澄清遊鱗儵然於萍石間粲粲可數徑寸之地凡山之類四樹之類十八亭臺房室之類十一人之類五橋二魚二草石在水中者七意態殊絕偃仰向背宛若天趣景色暉映神怡目愕不可以縷陳余云奇巧若是足可與桃核舟並傳惜瑩瑩不能如桃核舟之可以久留孟緄云子可於詩話中紀之藉傳不朽庶不負先慈一番心血也余遂諾而筆之

孟緄詞筆秀逸真得碧山白雲之神壬寅荷花生日余過淡菊軒時孟緄初病起因論夷務未平養癰成

患相對扼腕出其近作念奴嬌半闕云後半未成屬
余足之余卽續就孟緹笑云卿詞雄壯不減坡仙余
前半章太弱恐不相稱余覺雖出兩手氣頗貫串惟
孟緹細膩之致予鹵莽之狀相形之下令人一望而
知爲合作也今錄於此云良辰易誤盡風風雨雨送
將春去蘭蕙忍教摧折盡臘有漫空飛絮塞雁驚絃
蜀鵲啼血總是傷心處已悲衰謝那堪更聽鼙鼓續云
聞說照海妖氛沿江毒霧戰艦橫瓜步銅礮鐵輪雖
猛捷豈少水犀强弩壯士衝冠書生投筆談笑擒夷

虜妙高臺畔蛾眉曾佐神武又以感事念奴嬌見示
云秋光正好甚浮雲翳日纔晴還雨做弄秋容狼藉
甚宋玉悲秋正苦括耳商飈填膺幽憤咄咄終何補
流波欲挽可堪更惜遲暮極目衰草繁霜荒煙獨樹
搖落渾無主啼殺鷓鴣行不得一片精誠難訴伍相
潮飛汨羅江闕祇共冤魂語沉埋諫草誰教飲恨干
古孟緹弱不勝衣而議論今古之事持義凜然頗有
烈士之風與余尤爲肺腑之交

武進楊太夫人知州奎女楚儒孝義湯荀業室雨生

副將貽汾母爲孟緹外王母行乾隆間孝義隨宦臺
灣殉父難太夫人時寄寓福州奉姑歸里訓子成名
以節孝著副將秉慈訓工詩善畫有儒將風曾繪吟
釵圖徵詩誌慕蓋太夫人有斷釵吟二章序云吾幼
從王父於滇十四歲王父偶以玉釵賜之南北遷徙
歷今三十九年雙鬢蕭然惟釵無恙昨夜就枕轉側
不安乃寢然以斷遂不禁有感於中而復形諸聲也
時嘉慶甲子長至前二日詩云美便無瑕斷亦休曉
奩宵枕夢悠悠於今別有思親淚記與釵時新上頭

鏡非臺已悟空門贈嫁釵簪半不存
三十九年千萬路髣絲絲斷玉還溫
詩雖不多而至性流露不可磨滅也

陽湖程蕙英

蔭儔

署有北窗吟稿家貧爲女塾師曾

作鳳雙飛彈詞才氣橫溢可謂妙手空空自題鳳雙
飛後寄楊香畹云半生心跡向誰論願借霜毫說與
君未必笑啼皆中節敢言怒罵亦成文驚天事業三
秋夢動地悲歡一片雲開卷但供知己玩任教俗輩
耳無聞有感云道旁築室半經年買得良材亦枉然

非爲崎嶇愁蜀道已從變幻識桑田要馴餓虎須成佛不煉黃金漫學仙辛苦工師倍惆悵夕陽風雨聽啼鶻春日過湯氏園有感云桃李新花發舊枝柳條長日挂游絲月明風細黃昏景輪與眠香蛺蝶知莖傳又有四家雪景黃鶯兒最佳貧家云薄暮啓柴關望長途隔遠山河冰凍合溪橋斷鶉衣半單藜羹半殘擁爐誰送王孫炭耐饑寒采薪無路何處覓朝餐儒家云雞肋舊生涯好文章空自誇洛陽已減三都價窗穿玉沙疎櫺紙斜却添光彩衡門下且煎茶客

來當酒呵凍詠梅花田家云百畝計從容未催征課
早供餘資飽暖妻孥共茅茨蔽風木棉禦冬盈尊白
釀新開甕語兒童爭看六出擊壤慶年豐豪家云長
夜此春溫展紅氍對玉庭花枝舞出迴風陣羊羔細
分香醪淺斟歌殘不管黃昏盡掩銀屏侍兒私語沈
醉覺將軍

吾鄉西溪梅竹最多平橋約畧流水迴環掩映竹籬
茅舍境之幽遠景之清逸雖善圖者亦難描寫春日
梅花秋日蘆花最爲大觀猶憶丙申試證日雲林偕

余同往探梅籃輿破曉翠舫衝寒每遊一曲則野梅
臨水修竹千雪冷香撲面塵慮全消惟溪面窄甚一
葉蜻蛉難安茶竈午刻至菱蘆庵飯畢返棹與雲林
聯句云一篙春漲盪晴空廿里溪橋煙水融湖兩岸
梅花香雪冷菱蘆庵在白雲中雲雁齒平橋曲水流
暗香如霧壓扁舟雲九嶷仙子應相笑游興吟情兩
不侔湖同行者爲雲林子婦俞漱珊漱珊詩筆秀雅
德清俞漱珊德秀有積翠軒詩草貌旣富麗人亦明
慧集中如冬草云鵲噪雲低釀雪天枯根燒盡尙含

煙綠藏生意明窗外黃入斜陽古道邊助我豪情驕
獵馬容伊快眼下饑鳥東風不負經年約臘鼓聲中
訂夢綠萼影云三徑孤芳欲繪難幻中色相靜中看
斜陽寫出秋容淡明月描成瘦態寒花借新霜傳粉
本影移淺墨上朱欄五言問答思陶令采采東籬興
未開種竹云斫破蒼苔補綠陰清風拂檻碧雲深佇
看指日凌霄起應異當年咒笋心鳳仙花云繞徧迴
欄處處栽珍珠環珮夜徘徊玉蕊換得紅鸚嘴流水
桃花絃上來會稽宗穆君康美秀而文才復敏捷精

於歧黃著有采藥齋詩草如芍藥詞云吟窗睡起日
遲遲剛欲拈毫寄遠思忽覺濃香穿繡箔玉盤盃放
兩三枝盆竹云煙梢露葉影娟娟點綴偏宜石一拳
只恐化龍離綠盜殘竿移近繡簾前穆君古風勝於
近體二人青年向學筆致翩翩見余執弟子禮甚恭
每以詩稿見質偶爲商榷一二字莫不心折他日青
山於藍亦可知也淑珊爲知府恒憐女孫知州進勝
女詹主簿孫壽銘室穆君爲給諫稷辰女壽香女史
子婦府叅軍王時敏室

汪小韞題翁大人滄桑花月錄序云所錄皆明季及

國初宮闈人物姓名事跡旁及方外青樓流賊眷

屬皆在焉因得鈔本野史百餘種仿廵陵婦人集例

推廣之甫成初稿留鵬隱園爲無賴子所竊致無從

再爲訂正檢點殘編頗有東京夢華之感因題四律

云花天月地感茫茫墨澹毫枯寫斷腸兩后旌旗歸

斗極

原注喜后烈后同日殉國

六宮劍佩從軒皇

原注宮人魏氏二百餘人自沉

太液池

美人虹起花飛雪

原注費貞娥刺賊自殺

帝女碑殘冷卧

霜墓

原注長平公主在彰義門外

讀到梅村諸樂府苦將心事託紅

粧北都帛後帛南都澹粉輕煙舊鼎湖環珮盡歸青
塚去琵琶曾聽玉京無蘼蕪小樹仍飛燕楊柳高樓
又睇鳥一曲秦淮鳴咽水桃花扇底月輪孤粉圍香
陣起雲臺多少蛾眉上將才精衛有心填海去媧皇
無術補天來碧含玉質層層璞紅墮花英點點苔閒
與麻姑話遺事一杯清淺隔蓬萊元康龍漢幾經年
零落殘香賸此編雲掩瓊窗遲玉女露寒鈿水泣銅
仙蒐羅滄海揚塵後惆悵恒河浩劫前光碧靈開同
紫極芳魂祇合住瑤天

原注才女賢婦隸西王母節女烈婦隸斗母

余謂

是書必有可觀亦可考証勝國遺事惜乎失去題詞
四律極哀艷蒼涼之致

癸卯初夏穆君以芍藥詞來相質余亦賦四章云月
如風貌雪精神浩態狂香擬未倫幾度拈毫吟不穩
瑤華仙子絕紅塵粉蕊盈盈帶露新鼠姑猶遜好
神玉顏酣酒紅潮暈絕似沉香亭畔人
都中牡丹絕
少重合遜芍
藥遠
艷事曾誇金帶圍朝霞翳就瑞煙暉胭脂顏色
嫣然好端重應披一品衣霓裳紫袖足風流鎮日端
詳豁病脾却怪可離傳小字看花易觸旅人愁
前歲
花前

送趙淑芳回院去
歲送溫潤清赴黔

四詩甫脫稿瓶中白芍藥忽感開

內有一大朵如玉盤盂者中間紅瓣一層團團圍繞
嬌艷異常余名之覺裳紫綬蓋異種也詢之諸朋友
皆未前見屏山云昔年手植盆花曾開金帶圍一朶
紫花中間黃瓣一層識者知爲佳兆今予瓶中開此
異花必主將來吉慶曷弗誌之余細玩各朶種種不
同有大瓣作淺綠色中起樓臺似翠盤之堆白雪者
又有純白朶中隱含紅氣似寒鴛舞倦喘息未定者
又如皎月初升微霞掩映更有雪瓣碧紋絲絲如繪

君翠帔罩於冰。點者有潔白之。朶瓣上微有一二紅
點如素面之有朱痕者。盡態極妍。各吟一絕云。一枝
初綻。玉玲瓏。鏤雪裁雲狀未工。紫綬風流金帶艷。白
衣宰相可相同。翠盤堆雪雪輕盈。似笑如顰最有情。
不爲豐臺著花譜。西河枉是負才名。霞際初升白玉
盤。撩人秀色欲忘餐。霓裳舞罷渾無力。自御天風出
廣寒。結綺仙妃絕世姿。鰾綃翠帔倦粧時。花前莫漫
傾婪尾。好譜瓊枝璧月詞。花瓷芳潔注清泉。領畧穠
香欲破禪。玉頰晶瑩風韻好。一痕獺髓更鮮妍。

滿洲冷齋冰月著有冷齋吟初稿冷齋少寡子女早
亡清節自勵叔弟桂圃侍郎選梓其詩彈琴云漫學
稽中散閑心靜後生月明隨性定松韻入絃清身外
萬緣寂雲間一雁鳴元音真太古愁忤世人情又春
感結句云此味近來頗自適空闌兀坐趣條然詩境
頗似劍南又有夢月者別號四焉主人總督莊恪喀
爾吉善女孫總督定長女舉人宗室綿成母以節賜
旌著有竹屋詩鈔楞伽吟云松風潮藥鼎石髓滄蘿
春留得西窗月叅經洗六塵亦似悟道語

陽湖徐嗣昭璇監生鈞女通判華宜女弟著有藕香
軒詩草工古文精史鑑雜詠云別有英雄感來登廣
武城千秋遺恨在監子竟成名南渡長城在誰教脫
虎符英雄憐失意老去亦騎驢燕子樓云妝臺鏡閣
盡成灰燕子樓空膽碧苔貞搦久應拚一死不關白
傅贈詩來可謂工於詠古善於尊題

滿洲富察棣樓華亭人甚風雅性嗜吟咏中秋感懷
云山深遲見月樹老早知秋讀正始集云集蓂萼九
鼎織錦具三襲七言如疊韻云能消塊磊千杯酒可

與周旋滿院花東郊訪菊云花舍令露鋪三徑人背
斜陽立九秋皆清婉棣樓原名蕊仙曾晤於太清處
虛白老人云少作和矢音集數章未刊寫示數聯囑
爲採入瓜云手削方離蒂盤堆便集葩荷云葉動波
中翠花開鏡裏香蟬云身高含曉露韻遠咽輕飈蛙
云柳外波紋細堤邊草色深雨云蟬嘶涼滿樹蛙鬧
水平池月云林鳥棲還起流螢定不飛俱有作意
太清工倚聲有東海漁歌四卷巧思慧想出人意外
惜分釵詠空冲云春將至晴天氣消閒坐看兒童戲

借天風鼓其中結絲爲繩截竹爲筒空空人間事觀
愚智大都製器存深意理無窮事無終實則能鳴虛
則能容冲冲浪淘沙春日同夫子慈溪紀游云花木
自成蹊春與人宜清流若藻蕩參差小鳥避人棲不
定撲亂楊枝歸騎踏香泥山影沉西鴛鴦冲破碧煙
飛三十六雙花樣好同浴清溪醉翁搃題雲林湖月
沁琴圖云悠然長天澄淵渺湖煙無邊清輝燦燦兮
嬋娟有美人兮飛仙悄無言攘袖促鳴絃照垂楊素
蟾影偏羨君志在流水高山問君此際心共山閒水

閒雲自行而天寬月自明而露溥新聲和且圓輕徽
徐徐彈法曲散人間月明風靜秋夜寒而柯子山行
云絺綌生涼意肩輿緩緩游連林梨棗綴枝頭幾處
背陰籬落挂牽牛遠岫雲初歛斜陽雨乍收牧踪攜
徑細尋求昨夜驟添溪水遶村流早春怨春夜云楊
柳風斜黃昏人靜睡穩棲鴉短燭燒殘長更坐盡小
篆添些紅樓不閉窗紗被一縷春痕暗遮澹澹輕煙
溶溶院落月在梨花

己亥秋日余與太清屏山雲林伯芳結秋紅吟社初

集詠牽牛花用鵲橋仙詞太清結句云在將名字列
天星任塵世相思不管雲林云金風玉露夕逢秋也
不見花開並蒂蕊二人已賦悼亡也余後半闕云花
擎翠蓋藤垂金縷消受早涼如水紅閨兒女問芳名
含笑向渡河星指虛白老人大爲稱賞末社白海棠
屏山東風齊着力一闌輕圓清脆雅韻欲流詞云簾
影移香池波浸綠那更今宵燕支洗盡素質倩誰描
莫遣東風吹散孤負煞明月無聊眠未足玉兒春睡
知爲誰嬌銀燭幾回燒人去也花間猶憶吹簫輕陰

漠漠最好是今宵多少驚啼燕語題起怕魂銷深院
靜碧闌干外月轉花稍

陽湖家陔蘭善慶知縣金生曾孫女助教培孫女知
縣樹信女侍御伍仲常恂室賦性風雅喜吟詠陶園
唐荆山先生讀書處也地近城南八妹近寓於此卽
景賦贈云滄岳閒居宅半隅小橋流水逕縈紆女牆
一帶連春草好補青山繞屋圍碧梧深巷綠楊煙是
虛人家淺水邊小雨乍晴漁市出釣竿揭得白魚鮮
曉霜暖酒吟紅樹春雨草萊賦綠苔底事山中人最

樂小窗無事報花開
莎堤徧種先生柳
花塢新栽處
土瓜半榻清風醒
午夢
朗吟秋水註南華
母秦太孺
人亦工翰墨

張緯青詞亦清麗
芊綿菩薩蠻云
柳絲窈窕闌干曲
微風吹送薔薇落
蝴蝶一雙飛
階前碧草迷雕梁
雙燕舞
窗外黃鸝語
花暝正寒時
開簾折一枝春
夜前
調云
春山月皎銀屏翠
鵲鳩香暖羅襦醉
一徑落花
低露溥
梅子肥
蒼葢搖嫩影
斜倚薔薇冷
隨意撥金
猊流鶯窗外啼